



PREZIDÉNSIA KONSELLU MINISTRUS

VI GOVERNUN KONSTITUSIONÁL

DÍLI, LORON 18 FULAN-OUTUBRU TINAN 2016

KOMUNIKADU IMPRENSA

Sorumutuk Konsellu Ministrus loron 18 fulan-outubru tinan 2016

Konsellu-Ministrus hala'o sorumutuk iha tersa-feira ne'e, iha Palásiu Governu, iha Dili, no aprova ona proposta sira ne'ebé apresenta husi Komisaun Nasionál Aprovizionamentu nian, iha koordinasaun ho Ministru Obras Públikas, Transportes no Komunikasoin, ba ezekusaun **hadi'a projetu sira no manutensaun ba estrada ne'ebé maka liga Maubara ho Karimbala, Atabae ho Mota-Ain no Baukau ho Lautein**, ruzultadu sira husi konkursu internasionál nian.

Ministériu Administrasaun Estatál hetan ona aprovasaun ba proposta asinatura **Memorandu Entendimentu ho Ministériu Interiór Repúblika Korea nian** kona-ba aplikasaun projetu-pilotu dezenvolvimentu rurál no halakon moris-kiak nian iha Timor-Leste, tuir filozofia husi Saemaul Undong (Movimentu Aldeia Foun).

Aprova ona mós proposta **alterasaun ba Dekretu-Lei n. 33/2014, loron 3 fulan-dezemburu, ne'ebé harii Institutu Peskiza, Dezenvolvimentu, Formasaun no Promosaun Au nian**, apresenta husi Ministru Estadu no Koordinadór Asuntu Ekonómiku nian. Alterasaun ne'e ho nia objetivu atu simplifika funsionamentu Institutu Au nian, ne'ebé maka sei sai hanesan órgaun direasaun unipesoál nian ida, Diretór Ezekutivu; iha prátika, direasaun ne'e funsiona ona ho di'ak. Sei taka tiha Konsellu Diretivu no Konsellu Sientífiku no Pedagójiku. Hakarak mós atu finaliza tiha regulamentu orgániku sira no funsionamentu Institutu nian, no sira seluk.

Konsellu Ministrus analiza ona projetu ba proposta **Lei ba Protesaun Labarik nian**, ne'ebé apresenta husi Ministériu Solidariedade Sosiál, atu promove direitu sira, kona-ba prevensaun no protesausn labarik ne'ebé iha risku no perigu, nune'e bele garante nia moris-di'ak no dezenvolvimentu integral (kompletu). Projetu ne'e kumpre objetivu ne'ebé trasa tiha ona husi Governu dezenvolvimentu estratéjia sira ne'ebé garante protesausn labarik nian kontra violénsia, negligénsia no abuzu. Nune'e prienxe fatin mamuk ida iha ordenamentu jurídiku, ba protesausn labarik ne'ebé iha risku no iha perigu.



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608

Ministru Komérsiu, Indústria no Ambiente apresenta ona projetu kona-ba Rezolusaun no esbosu **Kontribuisaun Pretendida, Determinada iha Nivel Nasionál** (iha lia-inglés: "Intended Nationally Determined Contributions-INDC"), iha tempu badak sei apresenta ba Organizasaun Nasoins Unidas nian.

REMATA



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608